



Dr Urmensch hoggt vor syynere Hehli
Luust sich dr Pelz in aller Wehli
Do hett är pletzig e Visioon
Är dräumt vo Fortschritt, Ruhm und Lohn
Drumm macht är sich ganz gschwind uff d'Sogge
Är will nümm länger vor dr Hehli hogge



Är richtet sich uff - leggt Glaider aa
Maint jetz, är syyg dr grossi Maa
Mit syyne neue stärggere Waffe
Duet är gyyrig alles zämmeraffe
Är hortet, sammler, duet wyter jaage
Und loost, was anderi dien saage



S'goht sehr schnäll, d'Zyt rast verbyy
Dr neuu Mensch begryyft ganz glyy
Mit triggse, schwindle, bluffe und blaggere
Kunnsch zu Gäld - kaasch d'Wält regiere
Är zoggt, spekuliert, goht iber Lyyche
Und gheert scho ganz bald zu de Ryyche



Ob Gessler- Basler- oder sunscht e Huet
Zu jeed're Zyt findet sich aine guet
Är sait was anderi solle dängge
Und duet so alli und alles längge
Hett e Huffe Stitz und läbt vo Fusioone
Sabotiert so unseri Visioone



D'Menschhait waggst, d'Wirtschaft floriert
 iberall wird expandiert
 Me laageret us, duet Gäld verschiebe
 Z'erscht no wäsche, s'duet d'Sicht denn triebe
 Hett numme Visioone vo Macht, Öl und Gäld
 Merggt nit, dass si einzig isch unseri Wält



Mir 9 do oobe sinn Re-evolutionäär
 Drum kemme mir als Highländer drhäär
 Dää Inbegriff vo Muet und Stolz
 Das Johr grimmig, doch us guetem Fasnachtsholz
 Drei Daag lang dien mir intrigiere
 Vyy! tolleriere und e mänggs respeggiere
 Sinn Vorbild do und Leader deert
 Au wenn e paar saage, mir syyge gsteert
 Fir uns'ri Ideal steen mir allewyy! yy
 trau di, mach mit, gniess d'Fasnacht, syg drbyy



Drugg: Krebs AG,
 St. Alban-Vorstadt 56, 4052 Basel

**De Highländer g'fallts
 z'Basel uff dr Pfalz**



Fasnacht 2003